

## АКАФИСТ

Пресвятѣй Владычице нашей Богородице в честь святыя иконы Ея  
Умилѣние  
[из рукописных акафистников Серафимо-Дивеевского монастыря]

### Кондак 1

Избранней от всех родов Божией Матери и Царице, умилѣнно молящейся за ны ко Господу и образ Умилѣния Своего нам даровавшей милостиво, похвальное пѣние и молѣние приносим Ти, Богородице. Ты же, яко Семилостивая наша Заступница и Всеблагая Помощница, от всяких бед нас избави, да зовѣм Ти: Радуйся, Владычице, Радосте, Умилѣние и Спасѣние душ наших.

### Икос 1

Ангел земный и человек Небесный, преподобный старец Серафим икону Твою святую, Богородице Дѣво, яко драгоценное сокровище в своей келлии стяжа и пред нею усердныя молитвы Тебѣ принося, Всепетая, во вся дни подвижническаго жития своего благоумилѣнно, Радостию всех радостей Тя наименова, сиче Тебѣ взывая:

Радуйся, обрадовавшая падшее человечество всесвятым Твоим Рождеством;

радуйся, Спасителя миру нетлѣнно рождающая и дѣвство сохраняющая предивно.

Радуйся, Мати и Дѣво преблагословенная;

радуйся, Богородице препрославленная.

Радуйся, палато Бога Слова прекрасная;

радуйся, светоносная ложнице Царя царей.

Радуйся, пророческих глаголов сбытие принеся;

радуйся, апостольския проповеди крепкое вспоможение.

Радуйся, преподобных похвало и дев величание;

радуйся, человеческого рода возвышение.

Радуйся, скорбящих утешение;

радуйся, болящих исцеление.

Радуйся, Владычице, Радосте, Умилѣние и Спасѣние душ наших.

### Кондак 2

Видев себе болѣзнию зельною одержима, блаженный Серафим усердно моляше Тя, Богородице Дѣво, о помощи и исцелении, и се, а́бие предстала еси́ ему́ во свѣте Небѣснем со апостолама [двойственное число] Петром и Иоанном Богословом и, рѣкши: «Сей от рода Нашего есть», исцеление скоро ему́ даровала еси́, да поёт немолчно Сыну Твоему́ и Богу хвалѣбную песнь: Аллилуиа.

### Икос 2

Разумев свое исцеление, Твоим посещением благодатным совершившееся, блаженный Серафим прославляше, Богородице, велию к нему́ Твою́ милость, икону же святую, благоговейно почиташе и сию́ благодати причастну именоваше, ейже и мы ныне поклоняющемся, сѣце Тебѣ зовѣм:

Радуйся, обрадовавшая избранника Божия Твоим посещением;  
радуйся, в недуге исцеление ему́ подавшая скоропредстательно.  
Радуйся, присным Своему́ роду милостиво его́ наре́кшая;  
радуйся, откровении Божественными его́ просветившая.  
Радуйся, в течение жизни его́ многократно ему́ являвшаяся;  
радуйся, на подвиги поста́ и моли́твы невидимо его́ укреплявшая.  
Радуйся, в пустынножитии и затворе сладкая его́ Собесѣднице;  
радуйся, от враг видимых и невидимых державная его́ Заступнице.

Радуйся, и нам грѣшным являющая от иконы Твоея́ мно́гия милости и щедроты;

радуйся, и нас недостойных не лишаящая Твоихъ благодѣяний благодатных.

Радуйся, недуги наша врачующая безмѣдно;

радуйся, печали наша утѣляющая радостотворно.

Радуйся, Владычице, Радосте, Умиление и Спасение душ наших.

### Кондак 3

Сила Божия действовала через святую икону Твою́, Умиление именуемую, Богородице Пречистая, егда́ сия в кѣллии преподобнаго Серафима пребываше и исцеления верным источаше, иже отовсюду к нему́ приходяху и от Тебѣ мно́гия дары благодатныя улучаху, благодарно поюще Богу: Аллилуиа.

### Икос 3

Имея веру и любовь к Тебѣ, Богородице, преподобный Серафим по Бозе всю надежду свою́ на Тя возлагаше, икону же Твою́ святую

благоговейно почиташе, свещи и елей пред нею возжигая и тепло моляся Тебе, да будешь ему Помощница во спасение. О сем и мы Тя молим, Преплагая, и со усердием поем:

**Р**адуйся, свеще всемирная, мрак языческий просветившая Светом Христовым;

радуйся, стапно всезлатая, в нейже уготовася Хлеб Небесный.

Радуйся, деннице Солнца правды;

радуйся, заре не вечерняя безсмертная жизни.

Радуйся, падшаго человеческого естества обновление;

радуйся, древняя вражды разрушение.

Радуйся, радостное святых созерцание;

Радуйся, сладосте, усладившая горечь греховную.

Радуйся, облаче, росу спасительную источивый;

радуйся, алавастре, мира Божественного полный.

Радуйся, окамененных сердец умягчение;

радуйся, веры и благочестия возвращение.

**Р**адуйся, Владычице, Радосте, Умилении и Спасении душ наших.

#### Кондак 4

**Б**ури греховныя избежати и в тихое пристанище покаяния прийти помози нам, Пречистая Дево, Искупителя и Спасителя душ наших рождающая и Матернее дерзновение к Нему имущая; простри к Нему богосносеи Твои руки и умоли Его благодать вся ны помиловать и спасти, да благодарне поем Ему о Тебе славословия песнь: Аллилуиа.

#### Икос 4

**С**лышавше о премногих чудесах Твоих, Богородице Дево, от иконы Твоея святых явленных и присноявляемых верным, радуемся мы грешнии, яко даровала еси нам таковой благодатный залог Твоего к нам благоволения, Всеблагая, и от радостных и благодарных устен сицевое приносим Ти пение:

**Р**адуйся, обитель дев под Матерний покров Твой милостиво приемшая;

радуйся, обитель малую и убогую распространившая и духовно обогатившая.

Радуйся, обетование Твое, праведному Серафиму о ней изреченное, верно исполнившая;

радуйся, иконою Твоею пребывать в ней изволившая.

Радуйся, надежда наша пресвятая;

радуйся, Мати наша преплагая.

Ра́дуйся, до́брая Младопита́тельница де́вам;  
ра́дуйся, вдов и сирот Попечи́тельница благоми́лостивая.  
Ра́дуйся, заступле́ние на́ше от врагов невидимых;  
ра́дуйся, Помо́щнице на́ша в неча́янных беда́х.  
Ра́дуйся, стено́, огражда́ющая нас от грехо́вных собла́знов ми́ра;  
ра́дуйся, Покро́ве, покрыва́й всех, к Тебе притека́ющих.  
Ра́дуйся, Влады́чице, Ра́досте, Умили́ение и Спасе́ние душ на́ших.

### Конда́к 5

Боготéчная звезда́, свята́я ико́на Твоя́, Богоро́дице Де́во, лучи́ Бо́жия благода́ти невидимо испу́щает и ду́ши ве́рных озаря́ет. Сию́ и мы с ве́рою и благоговéнием лобыза́юще, в ско́рбех утеше́ние, в болезнех врачество́ безме́здное от Тебе́, Влады́чице, прие́млем, и славосло́вюще многопе́тое и преблагослове́нное имя Твое́, ра́достно поём Бо́гу: Аллилу́иа.

### И́кос 5

Ви́дев Тя, Богоро́дице, преподо́бный Серафи́м в пресла́вный день Благове́щения, пришéдшую к нему́ в смире́нную его́ кéллию со А́нгелы, Предте́чею, Богосло́вом и ли́ком святы́х дев, ра́дости премирны́я испóлнися, и сия́ше лице́ его́ ста́рческое красо́тою Небе́сною. Ты же, сла́вою Божéственною его́ озаря́ющи, ми́лостиво бесе́довала еси́ с ним, я́коже со дру́гом при́сным, обетова́нии благи́ми возвеселя́ющи ду́шу его́ и си́ми подвиза́ющи нас вопи́ти Тебе́:

Ра́дуйся, обра́дованная Присноде́во;  
ра́дуйся, Невéсто ненеvéстная.  
Ра́дуйся, Цари́це го́рних и до́льных;  
ра́дуйся, Предводи́тельнице де́вственных ликостоя́ний.  
Ра́дуйся, от Небе́сных высóт посеща́ющая земноро́дных;  
ра́дуйся, явля́ющая лице́ Твое́ пречи́стое избра́нником Бо́жиим.  
Ра́дуйся, ли́ки святы́х спутешéствующих Тебе́ имéвшая;  
ра́дуйся, собо́р святы́х дев с Собо́ю привéдшая.  
Ра́дуйся, де́ве смире́нней и трепéщущей явлéния Твоего́ сла́ву показáвшая;  
ра́дуйся, бесе́ды Твоея́ Божéственны́я ту удосто́ившая.  
Ра́дуйся, ста́рца Серафи́ма посещéнием Твои́м  
облагода́тствовáвшая;  
ра́дуйся, с ним и вся ны духо́вно возвесели́вшая.  
Ра́дуйся, Влады́чице, Ра́досте, Умили́ение и Спасе́ние душ на́ших.

## Кондак 6

Проповедуемо и вездѣ похваляемо есть от вѣрных посещение Твое, Мати Божия, егѣже преподобнаго Серафима сподобила еси. Сие посещение Твое всеблагое и мы днесь благоговѣнно воспоминающе, благодарственныя пѣсни Тебѣ приносим, Пречистая, и хвалѣбно восклицаем Сыну Твоему и Богу: Аллилуиа.

## Ўкос 6

Возсия сияние славы Небесныя в смиренней келлии преподобнаго Серафима, егда от Горних высот пришла еси, Богородице, с ликом святых того посетити. Сего же не терпящи зрѣти, дева сотайница Божественнаго видения ниц падѣ на зѣмлю, но милостиво ту воздвигла еси, Владычице, и премилостивыя глаголы Твоя ей прорекла еси. Таковому благоснизхождению Твоему дивящися, с любовью и благоговѣнием Тебѣ вопиѣм:

Радуйся, Дѣво всеблагая, дѣвство похвалившая дѣве земней;  
радуйся, венѣц Царствия Небеснаго ей обещававшая за вѣрность Жениху Христу.

Радуйся, Ангелы чтимая и певаемая от Херувим;

радуйся, Архангелы окружаемая и славимая от Серафим.

Радуйся, Предтечу, Богослова и лик святых дев с Тобою в явлении чудесно показавшая;

радуйся, в явлении Твоем обетования благая избраннику Божию даровавшая.

Радуйся, сбытием обетований Твоих истину явления Твоего засвидѣтельствовавшая;

радуйся, наше похвало и утверждение.

Радуйся, обителей иноческих милостивое попечение и призрение;

радуйся, Церкви Христовы Божественная лепота.

Радуйся, постников и преподобных тайное утешение;

радуйся, христианскаго рода непостыдное упование.

Радуйся, Владычице, Радосте, Умилении и Спасении душ наших.

## Кондак 7

Хотящим нам, Владычице, лобызати святую и всечестную Твою икону, не возбрані нам сие грехов ради наших, и яко многоблагодарная Мати милостиваго Бога, не возгнушайся наших нечистых устен, но прими нас милостиво, припадающих к Тебѣ с любовью, дары благодатныя щедро нам подавающи от

многочудснаго Твоего образа, да зовём со умилением Триединому Богу: Аллилуиа.

### Икос 7

Дивно и свято скончати́ся благоволи́ла еси́, Владычице, избраннику Твоему́, блаженному Серафиму: той бо коленопреклонённый на молитве пред иконою Твоею святою предаде праведную душу свою в руке Божии, и отыде от земных на горняя, созерцати славу Твою Небесную и вину зрети Тя, Царице Ангелов, Юже мы земнии немолчно ублажаем и поём Ти радостно:

Радуйся, мира Горняго первейшее украшение;  
радуйся, мира дольняго всекрепкое ограждение.

Радуйся, от Небеснаго всесвятаго Твоего жилища приникающая к земнородным;

радуйся, от обителей Горних снисходящая в юдоль нашу многоскорбную и многогреховную.

Радуйся, отирающая слезы от очес плачущих и печальных;  
радуйся, вливающая отраду и утешение в сердца огорченных.

Радуйся, вдовиц неимущих некрадомое богатство;  
радуйся, безматерних сирот призрение и покрове.

Радуйся, иноков Помощнице всеизрядная;  
радуйся, инокинь Предстательнице всесвятая.

Радуйся, целомудрия христианскаго начало и основание;  
радуйся, девства пречудная красото.

Радуйся, Владычице, Радосте, Умиление и Спасение душ наших.

### Кондак 8

Странно есть видети, како икона Твоя святая, Богородице Дёво, силою Божиею благодати преисполняется и дивная чудеса источает благоволением Твоим, Всеблагая. Сию и мы стяжавше во утешение и цельбу, благодарственно Тя славим, Владычице Пречистая, и поём Рождшемуся от Тебе Богу Словоу Ангельскую песнь: Аллилуиа.

### Икос 8

Вся добрая и полезная даруеши нам, Богородице, от всечестнаго и многочисленаго Твоего образа: умиляеши души наша и врачуеши болезни наша, яко воистину многоблагодарная Мати чад Твоих, о Христе Боже. Темже по достоянию блажима еси от нас благохвалении таковыми:

Радуйся, от востока и до запада слави́мая и превозноси́мая;

ра́дуйся, от всех христи́анских родо́в пева́емая и блажи́мая.  
Ра́дуйся, душеполе́зных даро́в Подáтельница незави́стная;  
ра́дуйся, душе́вных и телесных недúг Целите́льнице благода́тная.  
Ра́дуйся, безнаде́жных наде́ждо;  
ра́дуйся, огорче́нных отра́до.  
Ра́дуйся, гони́мых прибе́жище;  
ра́дуйся, ве́рных кре́пкое заступле́ние.  
Ра́дуйся, неверных обра́щение;  
ра́дуйся, чуде́сы Твои́ми всех удивля́ющая.  
Ра́дуйся, ми́лостью Твое́ю нас посеща́ющая;  
ра́дуйся, преи́скренне спасти́ся всем хотя́щая.  
Ра́дуйся, Влады́чице, Ра́досте, Умиле́ние и Спасе́ние душ на́ших.

### Конда́к 9

Вси ро́ди христи́анстии имут Тя, Влады́чице, Помо́щницу, изря́дную: я́коже бо обеща́ла еси́ во всечестне́м Твое́м Успе́нии не оста́вити нас си́рых и беспомо́щных, та́ко и до днесь си́е обетова́ние всеблагое́ исполня́еши в Це́ркви Христо́ве на земли́, Богоро́дице Де́во, ущедря́ющи и спаса́ющи лю́ди, ве́рно Тя сла́влящия и правосла́вно пою́щия Бо́гу: Аллилу́иа.

### И́кос 9

Ветийство́ челове́ческое не может изре́щи́ оби́лие щедро́т и ми́лостей Твои́х, Ма́ти Бо́жия, сла́вити же Тя по досто́янию недоумева́ют умы безплотни́и, о́баче Благая́ су́щи, не возгнуша́йся и на́ших недостойных похва́л, ихже любви́ю Тебе́ приносим и дерза́ем воспева́ти Тя си́це:

Ра́дуйся, луно́ полная, но́щь грехо́в на́ших просвеща́ющая;  
ра́дуйся, кре́пким сия́нием Твои́м мглу́ страсте́й на́ших разгоня́ющая.

Ра́дуйся, Путево́дительнице заблúждших;

ра́дуйся, Вразуми́тельнице бу́иих.

Ра́дуйся, ю́ных Наста́внице целомúдрия;

ра́дуйся, де́вства покрóве и огражде́ние.

Ра́дуйся, оби́тель дев благоустро́ившая пречúдно;

ра́дуйся, я́вльшая ей Твое́ благоволе́ние о́бразом Свои́м всечестны́м.

Ра́дуйся, упова́ющим на Тя коне́ц благий да́рующая;

ра́дуйся, любя́щая и чту́щая Тя непосрамля́ющая.

Ра́дуйся, еди́на до́брая и благослове́нная в жена́х;

ра́дуйся, еди́на чи́стая и непоро́чная Присноде́во,  
Ра́дуйся, Влады́чице, Ра́досте, Умиле́ние и Спасе́ние душ на́ших.

### Конда́к 10

Спаси́телю Бо́гу плоть взаимода́вшая, нетле́нная и пречи́стая Ма́ти Бо́жия, очисти́ нас, оскверне́нных грехи́ мно́гими, иссо́пом моли́тв Твои́х святы́х, в целому́дрии и чистоте́ утверди́ и сподо́би богоуго́дно и пра́ведно препрово́дити жити́е си́е земно́е, да благоугоди́вше Христу́ Бо́гу, унасле́дуем Ца́рствие Его́ Небе́сное и со святы́ми воспоём Ему́ победную́ песнь: Аллилу́иа.

### И́кос 10

Сте́на еси́ де́вам, Богоро́дице Де́во, и всем душа́м христиа́нским, уневе́стившимся Небе́сному Жениху́, яже в трево́лнении страсте́й обрета́ют всегда́ крѣпкую Твою́ по́мощь. Мо́лим Тя, Всеблага́я, не попусти́ и нам грѣшным поги́бнути во бла́те страсте́й, но простри́ нам держа́вную десни́цу Твою́ и возста́ви нас на пока́яние и целому́дренное жити́е, да благода́рно Тебе́ зове́м:

Ра́дуйся, приста́нище ти́хое пловце́м житѣ́йскаго мо́ря;  
ра́дуйся, прибѣжи́ще благооти́шное утомле́нным бу́рею страсте́й.  
Ра́дуйся, Споручни́це пока́яния грѣшных;  
ра́дуйся, ка́ющихся с Бо́гом примирѣ́ние.  
Ра́дуйся, Судии́ пра́веднаго изве́стное умолѣ́ние;  
ра́дуйся, всежелате́льное и всесла́дкое святы́х утешѣ́ние.  
Ра́дуйся, Го́рних А́нгельских во́инств удивле́ние;  
ра́дуйся, му́ченических све́тлых полко́в непреста́ющее велича́ние.  
Ра́дуйся, пра́ведных жен всевеселя́щее ра́дование;  
ра́дуйся, дев святы́х вѣнче.  
Ра́дуйся, преподо́бных многопе́тая сла́во.  
ра́дуйся, святите́лей в пра́вей ве́ре укрепле́ние.  
Ра́дуйся, Влады́чице, Ра́досте, Умиле́ние и Спасе́ние душ на́ших.

### Конда́к 11

Пе́ние хвале́бное прино́сим Ти, Богоро́дице Пречи́стая, свято́ю и мно́гочуде́сною ико́ною Твое́ю осеня́еми и моли́твами ста́рца Серафи́ма укрепля́еми. О держа́вном же заступле́нии Твое́м ра́дующеся, вопие́м Бо́гу: Аллилу́иа.

### И́кос 11



Свѣтлыми лучами чудес Твоих, Богомати Владычице, озаряеши мрачныя наша души среди суевѣрия и невѣрия наших дней. Зряще же милости и щедроты Твоя, от иконы Твоея нам источаемыя, Всеблагая, и припадающе к ней, сиче Тебѣ вопиѣм:

Радуйся, Православия утверждение;  
радуйся, веры Христовы распространение.  
Радуйся, ересей и расколов посрамление;  
радуйся, невѣрия искоренение.  
Радуйся, чудесы Твоими верныя утешающая;  
радуйся, милосердием Твоим грѣшники не оставляющая.  
Радуйся, в час кончины уповающим на Тя помогающая;  
радуйся, любящим Тя любовью святою воздающая.  
Радуйся, в скорбех и бедѣх на помощь ускоряющая;  
радуйся, болѣзни неисцельныя врачующая.  
Радуйся, скоропослушливая к молитвам смиренным;  
радуйся, прошения благая предваряющая исполнением.  
Радуйся, Владычице, Радосте, Умиление и Спасение душ наших.

### Кондак 12

Благодать Божия от иконы Твоея, Богородице Дѣво, сущи, исходящая осеняет обитель дев, избранником Твоим Серафимом собранную и устроенную добре. Сию икону Твою, яко залог благоволения Твоего, дивно стяжавше, славим и величаем Тя, Владычице премилостивая, и рабски вопиѣм всех Творцу: Аллилуиа.

### Икос 12

Поюще милосердие Твое неисчетное и многая Твоя чудеса, Дѣво Всепетая, радуемся мы грѣшнии, зряще на иконе лик Твой святыи, умиления преисполненный, иже и в наша души умиление вливает и к молитвам усердным нас привлекает, да сиче Тебѣ взываем:

Радуйся, Ниво неоранная, Клас спасительный человеком израстившая;  
радуйся, Лѣстнице Небесная, Еюже снѣде Бог.  
Радуйся, Горѣ несекомая, усуренная Духом Святым;  
радуйся, Скинне селения Вышняго.  
Радуйся, Святая Святых превосходящая;  
радуйся, Клещѣ таинственная, уголь Божества неопально приемшая.  
Радуйся, хладная сердца наша любовью ко Господу воспламеняющая;

ра́дуйся, нечистоту́ душ на́ших благода́тию очища́ющая.  
Ра́дуйся, на по́двиги духо́вныя неvíдимо нас укрепля́ющая;  
ра́дуйся, исполня́ти велéния Христо́вы нам помога́ющая.  
Ра́дуйся, душевредны́я на́выки в нас искореня́ющая.  
ра́дуйся, стра́сти душетлénныя попада́ющая.  
Ра́дуйся, Влады́чице, Ра́досте, Умилен́ие и Спасéние душ на́ших.

### Конда́к 13

О Всепéтая Ма́ти! О Цари́це всеми́лостивая! Богоро́дице  
Всеблагáя! Умоли́ Сы́на Твоего́, Христа́ Бо́га на́шего, изба́вити нас  
геéнны о́гненныя и сподóбити спасéнных ча́сти, да со избранны́ми  
воспоём Ему́ во ве́ки: Аллилу́иа.

Сей конда́к глаго́ли трѣжды. По сем ѵ́кос 1 и конда́к 1.

### Моли́тва

О Пресвята́я Дéво Богоро́дице, Христа́ Царя́ и Бо́га на́шего Ма́ти,  
умилен́ия Сокрóвище и ми́лости Исто́чнице, душеспаси́тельных дарóв  
благáя Подáтельница и скорб́ящих душ благода́тная Утéшительнице!  
К Тебé с любóвию припада́ем и пред свято́ю ико́ною Твое́ю смире́нно  
мо́лимся: умоли́, Влады́чице, возлю́бленнаго Сы́на Твоего́, Христа́  
Бо́га на́шего, поми́ловати и спасти́ нас, погиба́ющих во гресéх; вдохни́  
в ду́ши на́ша пока́ние ѵ́скреннее и умилен́ие богоугодное, подаждь  
моли́твам на́шим слéзы очисти́тельныя; благопотрѣбная жити́ю  
вре́менному и вéчному спасéнию ми́лостиво, Госпоже́, нам да́руй; мир  
умири́, святы́й храм сей [или́: святу́ю обитель сию́] дóбре сохрани́,  
безмяте́жие и изобѣлие пло́дов земных нам низпосли́, и при конч́ине  
животá на́шего не ли́ши нас Ма́терняго Твоего́ заступл́ения и пóмощи,  
да предстáтельством Твоѣм безбѣдно прѣйдем мытарства́ воздушная́ и  
сподóбимся унаслéдовати Цáрствие Небéсное. Ей, Цари́це Всеблагáя,  
всех радóстей Ра́досте и всего́ мѣра христиáнскаго утеш́ение! Помози́  
нам и ны́не, и егда́ наипáче пóмощи Твоея́ святы́я востре́буем, и спаси́  
нас Ма́терними мо́литвами Твоѣми ко Христу́ Бо́гу, Ему́же со Отцём и  
Святы́м Ду́хом подобáет всякая сла́ва, честь и поклон́ение ны́не и  
прѣсно, и во ве́ки веко́в. Ами́нь.